

葆  
冲  
書  
屋  
集

葆沖書屋詩集目錄

卷一

古今體詩一百十四首

卷二

古今體詩一百二首

卷三

古今體詩一百二首

卷四

古今體詩八十一首

陳沖書屋集卷二

秀水 汪如洋 潤民

古全體詩一百十四首

渡揚子江 丁酉

金山如麗人衣帔炫金碧夕陽媚孤塔明鏡開  
嬌嬾焦山如醉翁烟樹莽鉤戟雲氣翳其顛頽然鬢毛白  
兩山鬱相望終古閱潮汐羣山盡環侍二妙有驅策有時  
江風狂豚拜露尻脊我來颯蕭晨晴翠逼咫尺扣舷發清  
歌古意來脈脈滔滔天塹雄形勝挾肘腋偏安藉氣數  
守險費規畫佛狸志長驅瓜步屢危迫脫非年值卯江  
介捲如席後來重荆襄蓋謂扼其隘臺城遂慘黷一目  
非項籍結綺玉樹殘風利又乘隙腹煩喚蕭郎出井  
痛銜壁時平波浪恬事往風雲積揚州好城

郭燈火近除夕停撓買鹽豉明發理雙屐晝榼登蜀岡墨露

呷餘液

墨露京口酒名

京華七夕與李秋門茂才同賦

戊戌

人間天上兩漫漫世事應同此夕看掃徑剛逢新雨過開樽  
差放旅懷寬故書已分蟬吞飽好信何憑鵲噪乾田舍生涯  
虛買犢仙家侍從本驂鸞漢宮唐殿俱陳迹洛浦巫山太淺  
歡幻肯長生求杵藥癡憐密誓懺孟蘭無多舊侶真星散有  
幾良宵况月殘針到鋒摧羞引線禪從絮敗強懸竿年光并  
角頻吹葉別恨河流又激瀾客帳蚊蠅愁浣扇鄉園菱芡負  
堆盤迴腸路判三千遠拙手錢籌十萬難付與江南歸夢急  
西風庭院起微寒

初八日風雨又賦

良辰半晌未蹉跎豈意銀河黯碧波見說秋來風信驟可知  
天上別懷多人情渴想盤盛露歸路深憐輦濕輞欲寫餘悲  
音響闕空占後約卦爻訛倒顛起促衣裳早零落難收涕淚  
何七顛八倒七零八落皆諺語節節危灘愁咽水團團新錦悔投梭雨雲  
幻態俄成陣張角前因總屬魔一夕才窮江禿管千年恨積  
魯揮戈甘回豆粥僧齋遠暖付蘭湯佛誕過縹緲乘槎誰是  
客淒涼伴月倘同娥買將元夜韶華貴展到重陽好事磨寄  
語填橋萬靈鵲他生共懺作頻迎

人日王秋塍上舍招集樹蔭堂分得羊字

巳亥

去年人日陰初渡河流黃村沽未成醉驪券催牙行今年人  
日晴游子還故鄉我友亦歸來臘尾同卸裝相見且無語各  
理舊草堂春盤茁新韭侑以椒柏香暫息勞者歌謂宜酬此

觴一酌愁壘破再酌詩魄強三酌油油然離席意慨慷平生  
重風義相期在行藏河梁勗努力蟋蟀戒太康男兒要封侯  
亦不屑爛羊時至事斯起鸞鳩能奮翔無爲碎胡琴感遇徒  
悲傷敝廬不可戀况少八百桑登高盼來歲聯屐宣南坊前  
程漆遮暗急景九馳忙諸君韙予言明更典鸛鵲

津門見龍舟有作

薰風綠遍津門柳十里春波灑於酒村鼓瑟瑟出畫船行人  
岸上都回首擊汰聲喧笑語來參差鱗甲望中開颭將一片  
靈旗色洗却千年楚澤哀萬斛銀濤宛吞吐中流更作胡旋  
舞鏡面新裝簇似雲櫟牙急沫噴成雨掉尾昂頭自在行尋  
常鷗鷺不教驚豐年到處團鄉社令節無端動客情江南五  
月榴如火鴨頭浪裏龍頭舸赤腳吳兒解弄潮明粧越女工

推舵高樓齊拓碧油窗小隊笙歌別按腔亦有紅裙誇胃索  
更尋白舫看緣橦嬉遊記值蒲觴醉隨意芳郊踏濃翠幾日  
香羅服試裁誰家繭虎釵新墜纔入黃塵便惘然心旌常共  
艾蒿懸終南逐鬼成何事薊北依人亦可憐阻風滋味年來  
慣感物天涯淚盈串何況名場點額多由來世事藏舟幻打  
疊新詩弔剡藤晚霞如綺散層層兩頭月子今宵上水榭南  
湖定試燈

同年吳竹橋庶常移居賈家衡衡用厲太鴻移居韻

索和

庚子

十日狂風雪絮顛稚川圖裏見神仙非關食肉居無竹未礙  
低頭屋似船藥磨年年支病骨粥魚旦旦醒佳眠槐街舊會  
須重舉拚典葺裘爲醵錢

故園榛莽斷知聞旅館茶甌自策勲夢裏還家無定在空中  
書字欲何云掃花席散鷗猜侶負郭糧荒鶴判羣一種愛廬  
傷宅意撥灰留待話宵分

過東阿感先從伯茝汀公舊治

辛丑

伯父哦松處公車往歲過官符邊徼緊詳於戊戌春過此伯  
時為阿邑丞適奉委  
西伯情話故園多再到孤蹤偶三喪兩世俄兩兄並下世荒  
城無絮酒攬轡一哀歌

武林道中送春三首

壬寅

刻意留春我亦癡東風生性落花知天涯未必歸期緩枉唱

吳孃陌上詞

尋常茵溷夢紛紛有客無言對夕曛零落風情遲暮淚傷心  
重見杜司勳



記得尋春快樂飛半山祠宇開芳菲芒鞋也只前時路麥浪  
無邊豆莢肥

西華園泛舟探藤花

癸卯

輕橈放中流落景藹西射平橋通柳陰側嶺出松罅暖披白  
袷衣艷想紫藤架尋蹤蜂蝶稀踏影蛟虵詫縱云芳信遲肯  
使佳遊罷堤濃綠蕪勻篙膩碧流瀉仙源若可討詩思與俱  
化胸寬詎容芥境妙乃逾蔗佳緣偶筆硯俊味亦肴炙聯吟  
記前期兼燭佇良夜竹葉快浮春荷筒想銷夏

題午節畫扇

蒲

紙上出鉉鏐不爭蒿艾雄翛然自偃仰溪雨亦溪風惜無九  
節種餌我顏成童

金絲桃

卸砌如傾葵，惻膽瓶欲護。梔房千絲愁緒，難寫夢去天台月黃。

極樂寺看牡丹

甲辰

游絲罥空午，風裊碧落霞。裾吹縹渺沈香睡，思濃未醒扶出傾城絳帷。悄著意須教金屋藏，多情怕遣維摩擾。內家粧束不酸寒，拈來頓覺諸天小。雁眉老，衲性光皎落絮黏泥，萬緣了。自愛辛勤手，植餘留人茗話晴闌。窈窕豐臺藥朶紅於顰，幾處提壺喚村鳥。生憐金帶未成圍，擔向朱門送侵曉。沙堤畫靜，輕雷杳此花。此寺長安少，買栽池館定。何人春事闌，珊瑚綠陰繞。

環溪別墅看芍藥

極樂前期問牡丹露華濃暈赤闌干吟情又到翻階影橫占  
溪堂十笏寬

參差粉翅間紅襟芳徑無言綠已深兩架藤陰一池絮可能  
了當看花心

不到平山謾五年

米元章句

幾家亭館界成田借他春色江南早

盡寫當筵藥玉船

謝公風度想東山菊圃蔬畦手自刪紫陌重來知有意留題  
好護竹痕斑

中元後一日過環溪別墅適我齋主人攜酒亦至卽  
席同賦

催涼天意放晴堅見說秋容郭外妍得得沙塍行潦淺不愁  
騎馬似乘船

無邊野草沒鞋痕  
亂綠離披直到門  
錯認斜川重九近  
白衣人已候籬根

蒼鶻參軍巧象形  
隔簾鸚鵡舌尤靈  
吳儂自笑鄉音拙  
却憶江南柳敬亭

中秋過萬壽寺方丈

暈月連宵釀薄陰  
袷衫初透曉寒深  
欲參桂院天香滿  
來試蓮臺法乳斟  
瘦比黃花人卧病  
涼催白露雁驚心  
閉門莫笑陳無已  
索遍枯腸但擁衾

洋以卧疾未  
赴次日補和

重陽前一日集法源寺

梵剎城西古秋光  
薊北殊蕭辰遲落  
帽舊侶偶攜壺夢  
結棠巢遠門迎曉  
翠孤碧雲寥宇淨  
黃葉病懷蘇籬畔  
寒催信霜前矮見  
株莖繁晴乍剪頭  
重曉爭扶品認脾  
銜貴評嫌膽種

鹿醉容高士誕詩格老僧臞闕占三條徑騰拚百罰觚俎登  
宜郭索鉢薦亦伊蒲陳迹淮南桂鄉情笠澤鱸遊還追戲馬  
興豈敗催租歸路斜街緩禪心面壁枯殘縑披蘚蝨遺像宛  
蓮趺是日復過長椿寺寺爲明萬歷李太后香火地有九蓮花佛像一軸歷劫談如昨昇僊事  
莫須布金虛禮塔潑茗更開爐插鬢餘香殢觀空妙悟俱誰  
將佳日會補寫竹林圖是日同遊者七人

芍藥和秋門乙巳

郊園杜人事春去夏將半門無賣花聲但覺綠陰換我友城  
中居紫陌得飽看哦成雲霞篇艷若錦繡段盛誇豐臺種香  
色一時冠江南無此樂擔買復瓶玩芳華不我留韶景疾飛  
彈我歸拭雙眸落瓣已堆案及時緣尙慳過去意徒亂良辰  
一蹉跎回首卽河漢君方魚額困我亦雞肋歎南湖有釣船

十里水渙渙花如贈我行墻陰拾枯榦

西華園泛舟限韻

自笑吳儂慣狎濤柳陰卸纜碧初纒春波昨夢元真笠夜月  
何人采石袍感物單衣催白紵快心疎網出銀刀曲池清讌  
追陪數飛蓋南皮不數曹

皇十一子以嘉禾四詩見貽和作

北教塲敵樓

青衫影裏見崔嵬五季搏兵事可哀我自鄉人觸鄉思何年  
燈火落帆來

烟雨樓

春波四面一樓高來往無人解釣鼈約畧年時攜酒坐磯頭  
柳色嫩于袍

學繡塔

暮雨村深繡譜拈吳宮想像指痕纖  
匆匆又作扁舟計至竟浮圖未合尖

戚衮里

高齋聲望履綦陳歲歲鹽官碧草新  
一種春風門巷在人間只艷比肩人

清課

榛荆日夕斷知聞清課惟消白練裙  
架上書巢村學究案頭筆冢故將軍  
濃思院竹栽連个渴憶湖菱買論斤  
白日無情棲燕老雕梁持底報東君

答陳玉聲見寄原韻並柬故鄉諸同好

宦轍真匏繫書巢逐燕移艱難家八口  
零落鬢千絲歲月駒

忙過文章豹淺窺全拋小山賦虛借

上林枝素食嗟何補青氍坐不離雲霄分地望龍鳳各天資  
舊

賜園三徑如僧課六時每懷歸故里歎喜誦新詩梧井初涼  
逗苔岑積雨滋田園蕪已甚今昔感於斯芋火消寒會茶煙  
避暑期湖船碁局載山館食單施共惜塵埋硯真成當失卮  
西州情慘淡東野命衰遲王粲蹤無定湘靈調益悲雁繩違  
遠字螢火伴虛帷守黑身甘拙飛黃骨欠奇江南秋浩蕩爲  
報白鷗知

園居雜柬詩八首

閣學朱石君先生

四十年前輩文壇望曉星舊基無綠野新課有黃庭珞琢浮



生幻盤陀昨夢醒一編今雨對顧我說遺型先生為先外祖金海住先生及

門時共校今雨堂詩方竟

太僕吉渭厓先生

腹便椰比大齒蛻葉先秋

恩澤新扶杖行藏不繫舟詩情餘跨鶴先生主廣陵書院講席以甲辰冬入

朝酒味話奔牛先生家丹陽耕牛鎮名產酒極佳曉轍聯聯去牆陰雨腳收

余與先生園寓祇隔一垣每入直必以先生車聲為度

庶子彭六一先生

先子同年友師門別溯源情深敦晚進坐近得春溫余與先生俱侍

直中天書屋坐次最近赤墉荒家計冰銜荷

主恩宵閒宜說餅乘月過東垣

少詹童鶴街先生

獨探枕中秘

先生每下直評點諸名家文最夥

休來苑外嘲

先生直廬獨在澄懷園門外

迎門歸馬熟識字短僮教粥鼓喧鄰寺河魚入晚庖雲天飛動意胸次乞開茅

光祿吳白華先生

家近陸機葺齋聲有士龍

謂令弟稷堂前輩

遍留星使跡新熟冷卿

蹤

山谷詩往往時盡醉冷卿酒任淵注冷卿指文及時及為光祿卿也

膾口櫻桃句配顏琥珀

鍾梅檀分一束添我睡懷濃

侍講季綱齋先生

雕龍臺閣手伯也問奇曾

家兄為庶常時先生奉派為教習

鬚鬢覺衰早

壺鹽守約能楸紋慵局換蕉葉偶觚騰愛聽談鄉縣秫田秋

屢登

贊善吳蓉塘先生

一水衡相望偏紆屐齒尋多年離茗厄先生不暇茗客至始設長日坐書淫健僕雞翁課嬌兒鳳子吟掃除門徑出略似鏡湖陰

洗馬黃小華先生

五鬣黃山翠君身骨格如賦工猶壁立仙懶不樓居

先生所寓為近

光樓終歲未嘗一登也

鄉夢雲林卷

先生故居在蘇州獅子林倪雲林有圖

午晴松雪書

臨趙帖極精

倘傳煎茗法煩暑一甌祛

題漳浦相國蔡葛山先生觀海圖

東南海窟靈所屯盪決景曜掀天根盧敖已仙徐福老漢槎但可窮星源釣鼇豈無客莊生十九皆寓言彈琴豈無人但聞天風古木頽洞寒精魂塵埃眼界窄齏耳河伯關口聲先吞漳浦大儒端明孫九峯絕學一脈存蹢躅玉署望浩蕩黃扉恩家居海濱作海賦玩弄溟渤凌朝昏海環四維走百

瀟祀埒五嶽三公尊壯觀豁胸臆正氣輸乾坤我公容德在  
懷抱如海大受無錮垠我公道力甚淵靜如海寧極凝胚渾  
細流或狂薄公手作障迴瀾翻怒濤忽湧起公筆與騁搖昆  
侖元老初衣返林壑布帆駛逐天池鯤蒼松問訊皮溜雨古  
寺仿佛雲遮門蓬萊方丈渺何許萬里夢矚扶桑暾

題太僕吉渭厓前輩夢溪讀書圖

石牛陵口舊蹤訛昨共詩疑析柘坡吾鄉萬柘坡先生詩集有丹陽臨口柘石獸歌  
先生指臨口爲陵口之訛石獸爲石牛之訛辨證明確蓋萬未之深考也繪出溪山如指掌始知  
前輩讀書多

梁園侍從香光筆

圖爲南沙相國所作先生座師也

大雅淵源几杖餘我亦

師門增悵望江雲一角宦情疎

房師魏夢溪先生亦丹陽人故署號與先生命圖之意同

今養病林泉有年矣

爲宗丞曹慕堂前輩題盤山五松圖

圖爲錢澤石宗伯作

五松蒼蒼如五老冰霜練形形不槁亦如五嶽撐太空變相  
各具精靈同耳聞但識歲年古尺幅今到盤之中寒蛟透紙  
鬚眉慄認得萬松居士筆居士畫松兼畫石酒酣往往風霆  
疾年來歸老種龍鱗匹馬上方疎踏春玉堂前輩愛野筆解  
帶依然逢故人節銘數語最奇峭支離宛對掀髯笑憑題翠  
墨向涼宵夢破笙簧入高調

聞同年江秋史編修將約同人作消寒會詩以果之  
東華十里走雷轟夜伴殘書只短檠甚欲詩郵置長慶未甘  
酒社却淵明報功有法源通蜡傳食何人品鬪鯖留作歸田  
他日話也曾歌詠答

昇平

盆梅

低枝密蕾剪裁煩出窖先教返凍魂几席清嚴非近翫山林  
岑寂憶孤根交情綺石無言瘦春意銀燈一笑溫結子成陰  
吾未信江南夢去雨翻盆

門神聯句

欲識年華換

六子皇

桃符舊製翻塵封纔掃舍

如洋

像設已當

門榮戟千家盛

六子皇

刑龔五祀尊嘉平風日美

如洋

度朔姓

名存瓊闥春增盛

六子皇

桑樞俗共敦譙訶功辟魅

如洋

居守

職通闔迎送關人事

六子皇

乘除信主恩頭銜欺奧寵

如洋

脈

系溯農軒故紙形模在

六子皇

良工彩繪煩台垣崇組綬

如洋

將略示囊韃肩亞憐和合

六子皇

軀雄儼育賁面龐麟閣仿

如洋

洋管鑰虎牢屯變相兼嬰姪

六子皇

齊行本弟昆侯應稱戶牖

如洋地乃據屏藩吉語聯膺爵皇榮光笑指嗽壁遮龍破

影如洋楣近鳳題痕涓水封神誕皇終南磔鬼冤龜靈鎮

安宅如洋倂戲攝遊魂各寓祈禳義皇寧同閭閻論懲凶

猶葦索如洋炙熱且粃盆性比顛當懶皇聲從剝啄喧屋

烏偕爾愛如洋仗馬向誰言爆竹催初啓皇屠蘇又一番

賀正多漫刺如洋珍重達寒暄皇

題贊善吳蓉塘前輩鑑曲垂綸圖兩午

廿載

行宮獻賦才澄懷近歲履綦陪畫圖想像三天外胸次分明  
一鏡開待賜漁樵何必偶送歸風雨不須催長安多少臨淵  
客月滿船空總未迴

哭同年吳少隱明經四首

鹽倉街北共離杯算閱槐黃一度催  
未了東華塵土債此行  
端爲蓋棺來

千古文章感半村

郵縣范半村先生秉鐸吾禾奇君文首賞識焉

天涯骨月剩秋門

君臨終惟李秋門及視含殮

死生一例心知少造物評量太寡恩

蒲筵解糗尙加餐豈謂柔絲續命難  
故鬼房空新鬼出羈人

何苦戀長安

君歿於馮鷺庭編修寓先十日有鄉人孫君耆歿焉

儀曹舊邸君曾住九載同遊散似塵  
無限燈前存歿淚寧知

君卽自哀人

君戊戌來京假館胡江林儀部寓齋今再來而江林已下世其同寓諸君亦先後物化嘗爲余

鳴咽言之

六月廿五日極樂寺小飲

愁霖三口阻重闔自我西郊發興新  
積潭雙輪埋到尺曉風  
萬柄立如人穿橋溜放邗溝急出樹  
山描北苑真聽說今年



炊餅大杖頭取醉不嫌頻

林深石細古虛寮老衲無家鬢雪消  
遶砌盆罌繁手植入門壺榼卸肩挑  
天全漢叟機難忘秋近王孫隱欲招  
謂藥仙將軍艇環溪應更好銀河一碧盼迢迢

消夏雜詠和馮星實吏部

十首錄五

羽扇

諸葛綸巾侶雲霄萬古名一興規物力千里重人情雉展輪  
宮樣鷹揚畏後生秋風仙欲化恩怨兩無爭

涼棚

曉院謹呼起如猿衆匠升我心嗟匪席惟木妙從繩放早眠  
因熟租遲價倍騰天然誰借蔭一架蔓虬藤

冷布

尺布縫何益生涯冷不妨雙層交孔密半幅捲櫺方熟遜麻  
堪漚稀如紙未漿長安多熱客祇羨葛幬涼

響竹

一本萬條同堂隅颯颯風銛鋒何必爾故紙若爲空蚊蚋憐  
殃及雷霆悟化工有人禪榻上細意縛寒櫻

風燈

欲制難乾淚還藏一寸心案裝明角穩牆罩碧紗深花落長  
教駐蛾飛了不侵莫嫌多障礙中有去來今

古詩

春風來何時百鳥相和鳴喬柯間密葉啁晰如一聲唇舌誰  
最巧翩翩谷中鶯自詡上林質夙負金衣名朝坐綠陰底暮  
啼修竹莖不知霄漢遠弱羽思縱橫芳韶忽慘淡時序有迭

更知音且復難何況九萬程仰睇秋宇肅極北高鴻征  
日出照華堂棟梁鬱崔嵬借問此何家百年閼闔當時手  
締構伐盡南山材燥濕互風雨蟻蠹潛胚胎坐客語主人岌  
岌憂傾摧呼雞啄蟻死雞去蟻復來謂言啄不力雞豈任受  
哉嗚呼桑土謀感彼鴟音哀

神山峙海外傳聞列仙樓恂怛失津逮風引船輒迷金銀麗  
層闕虎豹雄九閩仙人亦何事驂鸞各東西昨夢拍肩去呼  
我凌丹梯云此餌芝朮久可真靈躋儒生鶩口腹未了百甕  
壺人間自烟火天上自刀圭朔飢侏儒飽物理兩不齊揮手  
謝仙人吾甘侶醯雞

四民重恒產惟士恒其心義如從一終雷風象何深柳州元  
和彥起衰力能任失足墮任黨龍頭悔華歆晚節傳去河間

攄憤非誨淫男兒氣少懦堅白憂甘臨蓬麻曲者直黽勉期  
及今

砧

塊獨秋蛩砌寒衣熨貼教粧餘同鏡拭燈底誤杵敲隱語休  
稱藁兼長或近庖山頭誰立化遺恨轉難拋

杵

古意擊綿瀨秋聲擣藥窻舉頻纖手怯搥急旅魂懣操日勞  
兼習磨鍼力未降起看霜滿地又逼曉鐘撞

新城道中貽邵則巖編修

五雲回首戀

皇都三日行程督亢圖敢謂隨車真得雨不妨止屋暫同烏  
田家樂事豐蔴秫地主深情給飯芻喚醒十年鈴馱夢春風

席帽感能無

邂逅幽燕氣韻雄  
宣南坊記酒樽同

余於庚子秋始識君  
於家錫鼐助教席上

瓜五色能秋實擊壤千篇自古風  
此日聯鑣如定分  
他年植蔭倘成叢  
淪漣趙口來朝是試洗緇塵萬斛空

夏秋冬雨自趙北口至鄭州二十里間皆成巨浸  
編筏以渡宛然水鄉風景也

曉發十里鋪濃雲作

去聲

秋寒秋寒瀉層碧  
四面江湖寬中央

界燕趙倒影虹橋彎  
南人困塵沙得水逢舊歡  
耐可蕩胸臆且宜濯纓冠  
柳陰有篙楫爭渡如爭難  
故道失雄鄭稽天勢漫漫  
周圍下錯田慮隨東逝  
瀾縱橫互港汊脈絡紛倪端  
瘦馬載急遞高軒  
裘達官布帆熟無恙來往凌屋山  
寧知萬梁黠半飽魚鼈餐  
我時截中流淒風激微湍  
感彼刈穫謀遑恤

衣裳單側聞清口漲民廬暴摧殘健菑賴重臣上釋

宵旰艱茲方積潦致平治諒非難將修道第政况異哀鴻歎  
行殿麗金碧水圍停

玉鑾歸途期步謁泥裂龜紋乾

閨中校文將畢賦示同事諸君

桂輪一瞬過優曇依舊晨昏此盍簪泰岱材掄松柏茂重陽

節盼雨風酣頻煩使館牲牽給暑擬僧堂梵課耽迅覺掃堦

多落葉枯憐下筆有春蠶夏侯經術申公埒夏青巖明府魏相勲

猷丙吉叅魏又泉明府穎士清才奴僕愛蕭二餘明府逋仙雅伴鶴梅

堪林敬廬明府中興朝望名兼宋姚肆三明府夢賚家聲學繼甘傅怡亭明府

輞水圖教蘭渚配王顯堂燕南兩明府司勲句豈拾遺慙杜疏菴青居兩明府

由來飼雀歸陰德楊又山明府最好聞雞領快談劉蘊亭明府數合辰

纏緣豈偶情馳海網力俱探和如嶰管吹噓應秀比巫峰指  
顧諟到眼誰迷日色五燒心已盡燭條三點頭暗想神光合  
種玉深期寶氣含失笑朱寧看似碧他時青敢過於藍以上四句戲謂朱蕙圃藍澗田兩司馬沈埋可歎牛腰束蹇劣虛追驥足驂匝月塵襟須盪滌明湖秋老勝江南

咏撲滿

貧儒拙持籌子母致無力偶分十貫餘恒慮屋子塞可欲不  
便見其道在銖積用坎先以離陶旄妙埏埴葫蘆樣可依混  
沌竅彌窄初沈猶礫微久貯乃泉溢選非劉寵貪投豈仲山  
惜支牀幸侶龜肱篋免逢蹠一朝墮地破快若奏刀害富難  
比編埒散或待穿索古人口不言阿堵避如疾倘從單子謀  
亦效衛賜億嗟彼障簾痴笑我看囊澀又憐梁上塊縛窘杖

頭百斯器良可銘盛滿不欹側東府彼何人百萬乃一擲

定州道中却寄李秋門陸半帆

丁未

皇州消息隔年春驛路連朝簸軟塵暴暖輕寒天氣愼清風  
明月二驛名客懷新投瓊酒座歡初隔賭謎燈街跡又陳自訝  
茲行仍自慰小從人海一翻身

二子親朋誼各兼與論家計定何嫌兒曹散誕尋梨栗僮僕  
麤疎聒米鹽南國音書成間阻北堂餐飯願加添須知萬里  
開函日不獨平安兩字占

過圓津庵次壁間梁棠村相國方桐山宮保舊韻二

首

去馬來車二百年深知佛力蔭無邊亭臺起廢原關數文字  
圓通卽悟禪過客都成醒後夢浮生各有靜中天短衣萬里



蹤何定也結蒲團片刻緣

維摩示病出堂遲恰似初驚鶴瘦時薄領茶香聊當偈橫添  
語障半因詩蓬飛易感征人幻萱老遙憑大士慈料檢藏經  
歸日願庵有藏經閣  
鐵帙頗備墨痕重認幾星移

湯陰謁岳忠武王祠二十韻

十室名臣里千秋國士風仙蹤異圯上人望比隆中早究孫  
吳畧期收耿鄧功格言懲愛死優詔答精忠唾手燕雲復傷  
心貝錦攻全軍爭一哭痛飲負諸公鍛鍊俄三字塵沙奈兩  
宮劃柑樞算險叩馬敵謀工厥厲階長舌惟天鑒匪躬黃冠  
歸未得碧血恨難窮下邑崧生始

熙朝廟祀崇貞珉鐫筆札

廟壁上嵌刻  
王手書數種

頑鐵鑄奸雄燕領披

帷識魚軒配座同奉祠存嫡系肅客走麤僮游奕兵容壯

王所

部背鬼游奕兵  
有像在兩廡  
周流社址空  
王舊居周流村距城十五里  
編年遺集富文

彰德卷乾隆庚寅  
太守黃某刻展祭

御碑穹南渡家何在東窻歲幾終撼山猶破膽袒背孰明衷

畫錦芳規接  
韓魏公畫錦堂在安陽縣去湯陰五十里  
金陀遠夢通  
余禾中舊居金陀坊即王

孫珂故里辨誣憐籲泣吾念亦齋翁

### 扳倒井謁光武祠

北條多支流洑見互無定噴騰或山梁鬻沸亦澗徑居人憚  
遠汲掘地一泓瑩衆口諧俚名故老熟志乘絳衣昔行兵赤  
伏比符應望梅士心饒進粥臣力罄動搖石可轉神漢走不  
脛砮疑佩刀刺湛若方諸孕道喝貪麤茶香瀝丐其剩靈祠  
咫尺通樞衣肅神聽翼然王者冕旁侍耿若鄧丹青儼雲臺  
俎豆報功稱民生資井養帝運厭火勝釣臺有清冷何年陟

巖磴

楚南道中雜詩八首

夢澤瀰漫楚界分  
馬蹄人影渡江雲  
天教一變緇塵相  
泥作交紋水篆紋

一嶺纔過一嶺環  
興丁熟步轉隨灣  
方田稜淺能瀦水  
斥堠基高總跨山

菜花黃謝綠成針  
挑菜青裙出柳陰  
約畧吾鄉寒食近  
竹籃滿巷叫蠶心

絳雪鄒然古道旁  
貧家膏沐久無光  
東風未是忘情客  
霖霖千絲爲洗粧

靈均香草思無端  
暮雨孤城澧水寒  
發眼青疇滿桑柘  
爭教閒地種春蘭

水鵲鵲聲曉出窠分明行不得哥哥吳儂側耳猜晴雨一字

占羸兩字多

吳中以鵲鵲聲占天時晴則其尾聲日哥雨則日哥哥今試之楚地亦然

路入桃源問渡便午晴墟市聚人烟沙頭數點鳬鷺活知是

麻陽下水船

自武陵至桃源凡三渡沅水販市渡居民尤輳密

危坡磴确礙飛湍白石青泥磴百盤一里一山高一丈真從

天上望長安

夜宿桃源縣山水佳勝次日過桃源洞雨甚不果入

諸君遊者爲述所見乃賦長句

仙蹤往記桃源靈口所熟誦身未經烟雲百里導先路武陵

城外千玉屏江清沙寬舟若定衆黛入鏡爭娉婷綿延帶繚

不可割大似未了齊魯青劃然中分古縣出雖無城郭雞犬

寧

桃源無城

人云避秦境非遠再歷兩舍開重陁牛毛霏空碧油

濕磴道滑澆磨新硯仙橋孤高跨陰洞漱玉下注聲瓏玲我  
慚好事劉子驥捫葛勇叩巖扉扁老僧揖客辭氣傲爲言軒  
蓋曾此停續紛落英春萬古人間一去長冥冥蔣生夙負好  
腰脚斷厓惜未窮碑銘吾家竹林善泉品洗琰謂不如中冷  
義皇懷葛類有托此翁胸中別畦町眼前佳致聊爾爾先里  
碑曰桃源佳致傳之可喜聽則榮枿欄戰雨晚尤急芒屨換縛催興  
丁剪燈瀾翻述幽賞語亂瀑聲方建瓴請濡禿筆代渴吻詩  
成夜枕驚雷霆

寄大兄

十載條冰冷

君恩子一麾已聞初政美只慮遠書遲蘭玉栽培願松楸涕  
淚思積懷因轉羨日課廣微詩

寄三弟

惘惘何生計悠悠已壯年尙紆升斗望聊結簿書緣

時在大兄無州

官署水慎西江借珠欣合浦旋

弟前年喪一子今復得雄矣

吾家菜根味人

定要爭天

寄四弟

廡下身成贅寒蹤我亦曾近游因奉母獨學患無朋終賈懲

浮譽封胡畏勃興一椽毋意足

弟卜新居於禾中方就

蓬島切雲層

芷江晃州驛舍有盆蘭二叢作花方盛與蔣藻香純

盦從叔分韻得晃字

愁霖如客愁黯黯旬匝兩晴芳擷江芷林色逗晨爽篴興不知程坐與山俯仰午炊驛亭寬振觸空谷想氤氲出檀几瀟灑位磁盎君子德不孤騷人性相黨是何栽培手功敵雨露

養十年踏軟紅花事夢恹恹紗窗二月風水閣過雙槩頻聞  
插鬢香一剪送曉幌移根抱虛願入室欠幽賞棠巢芍藥田  
瞥眼風燭晃逢君乃天涯顧我尙塵鞅他時下瀨船乞種載  
俱往

### 相見坡

山行信夷險千里雲烟過在山不言山徇俗名以坡

黔人呼山皆曰

坡初瞻猶棧紆漸上真霄摩巖腰一夫恰木杪數騎俄遠行  
音杭綴疑蝨細徑盤作螺往還經緯綫應答喁于歌相見不相  
卽脈脈天孫河緬懷開鑿始力倍牛尾拖直窮乃就曲平出  
休忘頗如彼導黃流九折不厭多蟲沙百年客朱顏去奔梭  
相違事恒有相見期則那茲名誰肇錫意感萍聚波天涯或  
咫尺對面翻蹉跎下坡雨脚駛亂瀑喧澗阿人家萬壑底團

伏肖金鍋擾擾彼中人相見曾幾何

月夜度老鷹崖

午渡毛口河渾流赤無底重嵐毒瘴蒸夜氣中肢體兼程僉  
曰宜虹雨晚天洗月光起東嶺嶺半昏若昧危崖忽梯懸碎  
礫競角牴巖凹一綫明稍稍辨階陞挽繩怯邪許投足慎肯  
綮怪石矢沒棱叢柯戟森檠豆熒陰火散竹慘嘯猿遞徐登  
腰已頑再轉汗益泚由旬佛算窮尺五天界啓下視村煙空  
懔懔樹成薺星芒縱可摘華頂得無涕臣心警叱馭豪骨嘆  
生髀蓬門閉顛當瑣屑但鹽米詩成激壯懷絕險盡平坻

嵩明道中海潮庵小憩

山程窮楚黔平陸忽在眼入滇三百里快若荆棘剗培塿亦  
偶逢古刹載州版開門對清流繞岸護沃產僧居萬松深客



坐一榻簡苔陰覆琤琤竹外送睨睨畫圖誇天生詩句費沙  
揀門有額曰天生圖其西爲毒泉泉底龍目睥云堪禱夏畦  
畫壁間題詩甚多未可試春殘我來津梁疲見佛面殊赧小住濯冠纓烟波思  
無限

東施惺渠姊婿用丙申春舊寄韻

十年鍛羽恨蹉跎棄置真成挂壁梭世路艱危投石有古來  
憂患著書多能完太璞虛愁則苦盼明星總涉魔想得塵緣  
悟泡電海濱窮屋自牽蘿

雞肋嗟余強戀名慈闈燈火勗冰清

三天退食齏鹽拙萬里趨官骨月輕南郭心枯聊隱几東陽  
腰細倘如藥女嬃宿疾何當起香炷蒲團理舊盟

仙人掌

異種昆池擅修莖漢殿移仙乎呼欲出掌也示諸斯瑣碎排  
針孔寬長坂履綦縱橫隨意茁反覆肖形爲合處香雲滿承  
來曉露滋何年靈華擘其上玉蓉垂抹月披風候鞭鸞控鶴  
思有文尋倘在得訣授尤奇乍訝珍珠捧常教舞燕欹瓊筵  
搔背可丹嶂拍肩宜妥貼苔痕亞輕勻雪片吹偶然供把握  
未許誚駢枝佛手柑分籠兒拳蕨透籬籬誇人具體芝訝肉  
凝脂稟氣神洲遠稱名爾雅遺優曇應汝配逸與點蒼馳

抵滇後呈方伯王述庵師

槐街漫刺十年殘回首程門雪未乾國士論知窮始信名卿  
折節古猶難棠陰忽布南天遠萍葉知浮大海寬萬里依然  
成負笈由來奇字勝高官

苦吟先子薄陰何遺集編成待不磨一序千金生死諾三春

六詔雨風和碧雞暇溯前型美銅雁傳觀古意多  
鑑云在西安時所得感極情深詞轉拙只如圓柳聽漁歌  
吾師有三柳洋填買陝塘詞一閱

宿燕子洞十首 錄六

扁扉論月眼眈昏馬上山情卽漸溫十里心知靈境到甘蕉  
墮子竹生孫

凌空飛動意云何

入門有高閣三楹與洞相背前學使郭公題額曰凌空飛動

騶節經年

幾度過高拓窻櫺橫據榻起樓真覺背山多

庠豁光明面面開紫陽瑞石費疑猜

杭州吳山有瑞石古洞卽飛來石也胡牀

片席燒春買算闌秋風十載來

啁啾千百暮歸飛錯認懸崖乳蝠肥阿堵定知天地別人間

何國是烏衣

雲去虛巖漏夕陽憑闌酒思忽蒼茫青莎一目漁磯曠占作  
官奚散馬場

剪燭商量倦枕支冬青一夜起秋悲神清骨冷昌黎句悟到

桃源住宿時

月明住宿玉堂空骨冷神清無夢寐昌黎桃源行中句也

七夕廣西道中憶戊戌在京邸與秋門效崑體賦詩

忽忽十年矣卽事抒情復得七言十二韻奉寄并索

和章

刻翠雕紅未斷緣悲秋月露動連篇平安人日關先兆來復  
天心又隔年寶相莊嚴虛懺佛花魂頃刻竟通仙曹哀底暇  
幽悰述枚發如教宿痼痊星界斗杓勞望眼籤繙雲笈悟真  
詮迴波楚澤循環數別調牙絃委曲傳冬仲蘭期剛得半中  
元蓮會惜攬前情根混沌嗟難死物序蒲盧感易遷昨夜和

聲靈嶰管詰朝離緒永嘉綿柏梁舊體詩城破襄野迷途孽  
海憐異地徵宮音自變開門鹽米夢尤牽苦吟長吉憑相和  
萬里緱笙思悄然

宿龍泉寺題壁

秋陽驕人健於虎我馬虺隤僕夫苦濃陰曲磴藏淺深瘦面  
支郎出三五以泉名寺年月荒導客入寮欄檻古常時使者  
賦皇華今夕天孫會河鼓到來便覺瓊樓寒茶罷驚看墨花  
舞山靈搜鑿獻八景佛說虛無始初祖仙人海嶠自風流謂葉  
殺庵前輩老將幽燕非莽鹵謂李文園前輩其餘黃鶴效崔才大抵紅蓮  
依儉府後窻壁立虬若龍半夜夢成風挾雨袞裯天末已新  
涼菱茨江南奈吾土佳緣一榻隨地安皎月終年幾回吐定  
中老衲心如燈暗裏流光機發弩圭峯咫尺不可梯短策寬

鞋後時補

瀘西闌中七月見桂花

窖護盆栽種特奇黃塵夢斷小山枝天涯七月秋香滿轉覺江南白露遲

八月廿四日吳下競以黍團相餉蓋新杭初熟時也  
菡奩叔作懷鄉口號見示次韻

接縣新樣月輪多使館杯盤冷節過賣餅生涯零落盡市廛

興廢感吾禾

中秋月餅江以南推禾中吳氏謝氏者爲最比歲浙中荒旱聞兩家舊業半蕭索矣菡哇來演

所述如此

歷下登高又一年雲山六詔眼增鮮人生已是炊梁迅魃黑

愁霖况滿天

是日雨

九月廿三日曲陽道中書懷用秋門寄示京居述懷

四首韻錄二

廿載伊吾閭歷親青瑣故業轉如新燕王駿骨非欺世閔叔  
豬肝頗累人邊地書田艱菽粟中天道履隔星辰密雲關外  
秋沙白振觸年來爪雪因

經師已愧况人師攬轡康莊謹驟馳暗室可無如月眼貧家  
底用入時眉山程薛荔陰中數風信芙蓉老後吹西去點蒼  
寒較甚鬢絲和雪照離離

哭川東觀察黃小華前輩

匏繫瀛洲十八年新銜昨換錦江邊膏粱宦趣窮儒拙饒運  
勞蹤

聖主憐有子一經收舊笥全家三峽滯歸船獅林水石今誰  
管蕙帳秋深倍黯然

安寧州溫泉

連山袤三迤水脈珍璧珙沃紆或地中沸作醴源湧砂泉澈  
如鏡磧穴濁於渾能爲春雲蒸暖意沃頂踵茲湯擅第一臭  
味屏闕茸澡身有神功五體急投勇雖非八功德信是妙蓮  
種其旁紺宇崇松羔夜濤洶夢魂驪山高挾我去秦隴荒哉  
軋犖兒繡祿六宮寵腥聞孰蕩滌垢膩猶積壅豈如天南陬  
神瀆山靈擁揭額古未聞升庵作之俑庶幾靈臺春衫襪脫  
械萃達官供頓停蕞爾湯沐輦奈何槃勺微刻畫到榱栱緬  
彼飲泉風監茲一神悚

楚雄道中讀朱飽雨司馬詩稿因題其後

魏塘公子龍馬姿壯歲逸足天南馳阿兄契分四般渥蒙也  
十年思見之萍蹤大海緣非偶萬里青燈一杯酒官倉我亦



雀鼠偷歧路君猶牛馬走袖中詩格金風斐畫裏襟期太冲

友

君有振衣濯足圖

商確行藏十畝桑咨嗟著述千金帚丈夫遭時

氣如虹請纓志欲無終童君才揮霍利干鎔八載邊州專鎖

鑰出塞軍裝吉莫穿參戎蠻語嫵隅躍豈無明珠謗如屋過

眼悠悠風掃瘴頭銜新轉差不惡何事天涯感零落

聖謨格遠重關開欵譯况聞蕃貢來魏絳歌鐘懋勲賞韓侯

赤豹羅詩材高堂九十眉髮皤黃耳歸報顏應咍煙村買犢

詎良策露布倚馬真奇才讀君詩句寬君懷野驛坐對南枝

梅明年五月羌管催君去朝

天吾祖道滿林青子薦芳醅

青華洞

點蒼來龍青作朶丁字坡前路紆左洞天卅六豈其一痼疾

烟霞今到我早來幾輩腰脚疲獨往輕裘靴襪裏佳從漸入  
生面開過必留題詩句夥谿衿一線始幽晦沙磔何年未淘  
鑿直身委蛇成曲身後火光明續前火腥涎夜襲螭或眠踵  
脛泥深鼃愁跛縮肩屋漏嘲奈何進步花源思亦頗旁通衆  
竅支派歧穿鑿百端名號瑣珠胎迴旋脂引蟻管窺偏仄螟  
祝羸太真破冢竟誰脫士載陰平忽云墮向人仿佛燕領伸  
本相圓成佛形裸洞有石燕石佛狀皆確肖再前有穴背差坦十步三休  
勢稍橢無聲蕩潏沕深自在跣趺石龕妥出洞爲觀音堂華顛欲  
陟嘆髀肉魯縞難穿慙弱筇偶然肩聶苦碑摩坐想靈威玉  
函鎖清都豈必闕神仙春夢徒知汨塵堞僧緣未結慳粥香  
是日爲臘八日苦吟太瘦嗟飯顆回頭却語同遊人襍被他時約誰  
果



葆沖書屋集卷二

秀水 汪如洋 潤民

古今體詩一百三首

自十二月十四日來試景東至正月八日竣事將赴  
永昌山城寥落校閱倥偬肩鐻兼旬都忘改歲回憶  
頻年供職京華屢更除夕蕭閒况味無踰此者感事  
攄懷成五言三十韻時戊申元夕後一日合江道中  
戊申

萬里

王正朔經年漢使槎何才堪報

國隨地若爲家土俗鄉連獮流光壑赴蛇冬暄無雪到城矮  
得山遮稜稜竿抽蔗盤盤朶放檮爆街晨辟瘴炬嶺晚燒畬

別院飢蠶啜聯房淚蠟斜薜衣山鬼睇篝火稷狐譁試署多

司命筵初醉僂童鼓漸搗椒樽重此夕柳眼又天涯綵服

嵩呼謹雕弓圓射誇新正二日燈風遲旖旎穀日慶晴嘉虎

節馳前驛蟲書捆後車辜他元夜月看煞小桃花莫換須臾

耳萍移素定耶艱於行蜀道塊獨憶京華倬直雞催早承

恩鵠立奢陟釐筒

賜紙哈密片分瓜哨鹿歸鞍荷豐貂雜珥加兼旬容澣沐返

轡各闔閭近巷朋簪集比鄰臘甕餘戲鈎拳破玉猜謎燭籠

紗蘸燄衢燃判硫烟盒透葩廠橋羅骨董園座鬧箏琶

鎬宴纔賡韻每歲新正聯句甲辰丙午重華宮茶宴內廷諸臣郊輪旋

碾沙過元宵即澄懷虔退食

勤政西苑殿名肅拖縞原隰來銜

命邊州值散衙羈蹤先社燕舊侶隔宮雅幸祝萱齡永還傾  
藿悃遐十行

新詔溥寸草亦萌芽

永昌試畢次答朱巖客茂才見寄原韻

春城百物鬪蕃昌玉案仙郎舊謫鄉歌哭古懷如欲晤山川  
人意謂差強營屯減後農耕出礦穴停餘地寶藏寄語金風  
亭長裔十分清氣在奚囊

東野爲雲願適從

巖客方依述庵師幕中

詩來畧比卧遊宗月錢貰醉

襟痕淺風幔修書燭淚重今雨交情叩負歷早雷鄉夢籜成  
龍傳聞米價吳趨賤二頃何時得飽儂

瀾滄江霽虹橋

蘭津漢略誇并包罷民通道來譏嘲博南一炬猶蘖苞飛渡

孰敢鞭投鞘天威丞相開旌旄長虹突走江岸坳臨江萬騎  
雄虎號奇計入險殊居鄭怒流齧柱喧鉦鐃千鈞夜壓驚眠  
蛟中更蒙段疆土淆坐想欲濟無懸匏何人鐵索空外拋萬  
夫掣曳聲號呶橫經直緯如編笈重關俯瞰車登輶厯鹿滿  
耳輪蹄跑脚空面濶背勢顛震撼欲墮風枝巢承平百年行  
旅交邊戍撤備弓垂弣綸巾廟貌古衣綃村巫賽社占瓊茅  
使者到此陳牲肴側聞瘴母蒸炎郊雀屏翠綠披鬢髻百草  
戢戢頭黏膠觸而斃者如燔炮仲春之月鶯啼咬征鞍未卸  
茸裘捎僕夫告我停芻茭攬觀形勝何豁摩五丁縋鑿誰所  
教一夫可守羸秦峭殘碑野火牧豎敲磨厓宛讀家人爰今  
情古意兩鬱悵剎那起廢同幻泡書生隘見真斗筭前賢往  
矣空嚶嚶叵羅他日攜行庖醉歌下泣鮫宮鮫

入大理境感 先祖舊治

九折當時叱馭臨海風山雪又來今卅年遺老頭垂白萬里  
孤孫突暫黔守土羅池荒館迹拜墳寒食故園心官箴願得  
親提耳些調椒筵尙格歆

皇六子質郡王用雲南字賦詩二章見懷謹次原韻  
寄呈

天上詩郵雁遞勤開函剛對月三分顛當懶合扇叢棘脈望  
僵猶戀古芸疲迹津梁憐此子妍詞客右愧諸君東風拂律  
真回暖百感春來已化雲

花輓遲日惜陰堪僦直從容樂事探

翠罕津門移蹕近雕弓海子合圍酣飛書遠徼傳三捷雅樂  
熙朝始二南暇想仙壺蘭韻足何時句法許重參

王嘗彙錄  
上書房



偈和詩題曰  
仙壺麟韻

大慈寺心印堂午飯

得得篋輿底事忙喚人清磬出茅堂飢來喫飯須依佛興到  
題詩亦坐狂法界聲聞虛蔭葡萄瘴鄉服食重檳榔睡虵惡趣  
消除久負爾籩條六尺長

憶京師食品四首

安肅菜

歲宴風雪饕旨蓄籌瑣碎嘉蔬重畿南玉色皎可愛沙深地  
脈鬆根甲易培溉論把不計錢畦卧賤礫塊咿啞獨輪車摑  
壓向闌闌纖芽揀嫩黃皺葉洗泥穢宜齋亦宜肉頓頓久堪  
耐甘鮮玉版鄰軟熟土酥配餘付臘甕醃生嚼爽脾肺貧儒  
粗糲餐一飽信天賚客游非遇饑傳食冬閱再阿迷產亦佳

草草饜貪喙

漢中阿迷州亦產此菜

求益嗟已愚閉門吾未逮此味知

者誰敢告士失輩

### 鱖魚

海物關東來菜市門牙鬻西風曉店腥巨擘惟汝獨彭亨脊

如龍

鱖魚脊如龍見水經注

艇列類乾鱖一頭百餘斤堆壘高塞屋腦

融蜜珀黃在骨不在肉吳人誇甲脆此更取肥漉膩非饜首

脬腴勝石花腹南船到冬笋芼以椒蓼馥豐肌愁爛消湯火

愼遲速年年煖寒會茲味冠鼎餽辛盤價漸低凍解忌春煥

鱗腐齊尸橫脂流董臍縮封藏法誰擅嘗出待三伏瀝淘汁

更清薺臭傲鱸鮓昆池浪名海鰕蟹窘衆族秋清感季鷹歸

夢腸轉轂

### 鹿肉

木蘭秋合圍曠野麕鹿走割鮮飛鞚馳箭筈新脫手重載抵  
都門蹄角冰雪厚支截或塊分軒切辨絲絡糝熬醢醬乾東  
壁出斗酒趙用三國志建事其珍尤在尾毛髓妙刮刮歲除例  
賜駢數與文雉偶上書房年例人得鹿尾二則雞四蜜裏漿暗融溫蒸血成  
黝服修飭銀盤方法大官受兼旬鎖印閒用以速親友  
龍樓望天際樂事莽回首笙簧聽萃蒿嘉賓在郊藪

糖燭栗

暑短風復淒茅店酒錢貴簷前燭栗香未到先得味砂傾火  
漸紅杓攪釜如沸揀淘蜩刺除調燮蜂飭費灰深爆偶然殼  
綻熟猶未售歸不數舛出袖溫有氣兒童慰饑涎瞬息食之  
旣山家煨芋爐風韻殆髣髴蠻鄉嚼檳榔清虛滿腸胃官厨  
聊效顰品格已涇渭轉憶故園豐秋收足凡彙蕨薇亦可餐

口腹太無謂

滇南新樂府六章

取狐狸行

山深穴邃風颼颼短衣藥弩火在籌取彼狐狸爲公子裘狐  
裘黃黃坐堂上千腋萬腋踰炎瘴蓮花作瓣星滿天一皮給  
值能幾錢殘毛剩擲載成捆跋涉他州不辭遠尺量寸割手  
擲還小吏關頭似羊狼吁嗟乎獻豸自古私其縱蕢桴爲爾  
歌豳風

翡翠曲

南海出明珠于闐有良玉蠻荒地寶開瑰產如結綠

熙朝邊境長清寧礦使不出礦稅停珪璋叩叩蜚盛氣金齒  
峯頭生翡翠組登斧鑿何纍纍淺碧深青各成器百金買一

鈎千金買一盤滇山聲價耻崑岡沽舶猶然意難滿君不見  
點蒼山石堅且栗骨相無奇肌理密漆屏棊几妥貼陳大夏  
中堂永無斃

頭人謠

官站需夫驛需馬簡派捐輸出鄉社一鄉一社一頭人馬牙  
夫店充一身大差夫馬攤烟戶小差尋常亦百數浮開尅給  
利贏餘有差不若無差苦有差派出民不驚無差日日飢腸  
鳴入城官長笞入鄉鄉衆毆前站獐獐似虎虓此時頭人不  
如狗

銷鹽歌

百口之家百人食十口之家十人食本管府海遺書在方策  
國計民生兩俱得滇南井利黑白琅歲銷鹽莢千萬強計鹽

定課法良妥私販如行官課墮食私有禁害猶可官作私銷  
事殊亘西京文學議論多膠車逢雨諸生何

採穀引

開倉平穀貴採穀補倉空出陳易以新立法期濟衆入倉有  
定額官胥毋容侵斗石發價有定程銖兩勿使衡端輕儲倉  
衛民民所樂顆粒終當有歸著官倉宜實欠宜追但莫折錢  
飽私橐

趕廠謠

官廠旺婦口夫丁走相望官廠衰爐傾炭熄無人來寧臺祿  
馬東西峙食指朝朝千萬計沙丁本是無賴徒日進錙銖不  
知利塲探冶鍊頭面黑纔歇官工便驕色呼娼酣酒團作窩  
論月辛勤輕一擲四民居業各有倫此曹尙與農工鄰獨憐

襁負塗鉛者猶是貧閨壓綫人

卽事五首效劉後村體

冷署風光再閱秋初寒催著敝羊裘三軍鉅鹿方酣戰

時鄉試武

關十日平原得少留菊似陳人將委地燕如逐妾已辭樓生

涯莫謂蕭條甚酒肉朱門付一漚

日到天南晷覺長案無塵牘不知忙四三譎叟侵狙賦龠合  
凝僮算鴿糧座剩寒璫因盜棄門稀短刺信莊荒真成退院  
緇流樣只少伽藍奉炷香

原隰今年浹雨膏幽風穫稻欲忘勞蠻酋拜款

天顏喜節帥防邊士氣豪飛騎昨聞徵饗粟斷鴻亦有寄征  
袍閉門獨是書生懶睡過朝墩一丈高

占箇閒亭對五華清談褰屐任欹斜江船久斷山陰酒貢橐

誰分普洱茶饒慮盤空休減肉儉從窻破不糊紗醉餘頗復  
思鄉味南蕩菱腰學繡鰕

十年身世嘆多迷漆吏卮言物可齊何以家爲慚穴蟻不知  
天大笑醯雞畏寒已是毛摧蝟售黠終教技窘鼯欲取辨香  
歌演雅江南春水不堪題

咏雪禁體十二韻

黯黯層陰作濛濛宿霧攬精神寒益壯丰采駿非凡霞集危  
機悟灰飛暖意絨榛蕪摧陷畢齷缺蕩平成樸敍隨條墮玲  
瓏入竇嵌蹇蹄翻轉厚蒼眼攫如饒物理蝗殲土兒嬉佛塑  
巖半糊宵泛艇多綴早朝衫卧穩扉雙鏞談深火一杓儲清  
先臘甕撥冗費晴饒餅餌豐占協尖义古韻芟生涯非冷淡  
配汝是冰銜



消磨

消磨世味果何因  
小謫無端劫墮塵  
未了祈禳木居士  
難平恩怨竹夫人  
鶩爭食竟成餘耳  
鷗背盟如學晉秦  
度徧迷津無一悟  
自歸蓬島侶仙真

貧士四詠

乞米

海內誰仁祖  
書家重魯公  
人情珠玉客  
吾道有無通  
轅金先聲畏  
傾困後望窮  
受恩償不易  
何日硯田豐

止酒

不見麴生久  
因知陶令貧  
宵長空待夢  
巷僻併無人  
茅店宿道減  
竹爐佳趣新  
江潭枯槁意  
未敢笑靈均

遣僕

故劍殘書外相隨定幾年何傷擇木鳥不了送窮船後會虛  
萍水新愁斷茗烟欲償徐甲負已涇杜陵錢

典敝裘

卅載虛存鄣倉皇棄置難非關換春酒遑計敵朝寒往事金  
同盡空談壁再完今宵謝怯篋差得夢魂安

曉行偶占

宿霧荒叢冑似珠曉風蛛陣吐縈紆不須更染初陽色畫出  
漁村曬網圖

詠史

怒流激而奔孤石屹不動爲是水力孱要以石體重懦夫無  
堅操遇事百瘡孔風波况震撼壞裂不旋踵新亭倒手版蜂  
螫喪其勇堂堂壁後言奸逆亦神悚

自下關至合江道中

下關多暴風土人謂之下關風

水從洱海來送我趨合江風從下關來捲我塵髣雙髣絲一

握亂蓬顚餘力所到乃掣油葢欹豐扛天生橋下湍悍敵淫

湏老梅不謝亂石爲之椿

天生橋距下關十里兩崖上合劣可容趾其下水勢湍急噴薄作梅

朵土人謂之天橋不謝梅

但聞十里五里金鼓相擊撞此石不轉此水無

時降而况土囊暴決使我神魂懣江南亦有好山水冶容如

笑窺篷窗蒲帆一掌岸沙濶漁榔風熟歌無腔翻然墮我烟

霧窟藤冥葛翳倒聽砰驚瀧山君白日瞋行旅半體齟棄黔

驢尤鳥鳶拾餘恣饒嚼奈此餘腥獵獵摧離茫百年行路飽

憂患嗟彼呂梁太行猶是中土之名邦胡爲身入哀牢鄉山

川怪奇人語咙緯丁木杪都盧橦前行漸渡青石砭回看來

處杳無路插天樹樹森旌幢風聲息餘怒水流失其淥尙有

蒼山相送四萬八千尺足音萬古曾不羈而我掉頭雲際隱  
隱聞仙龙驛亭小吏义手相勞苦喜心倒極卧數荒村柳

再渡霽虹橋

絕頂凌兢駐馬看兩崖深鎖瘴雲寒江流何止一千尺磴道  
依然十八盤

白江頂寺而下路絕陡峻俗名九曲十八盤

吉貝秋登關稅足蒲牢

午寂寺丁單莫嫌草草成三過欲照塵顏怕倚欄

正月九日過蒙化

是日立春

巳酉

太守頒春興劇豪輜車一昔緩塵勞晴連穀日占還信風逼  
榆關勢漸饕鉅枚情文通里巷都盧身手閔兒曹須知躍馬  
南征士蟣蝨經冬滿戰袍

讀唐書列傳二十四首

年少天孫盼曙河雪團雪散恨蹉跎不知何與文人事頓惹

官家薄制科

不密由來易失身可能三尺按廷臣君王耳逆臨分語豈必  
河南解陷人

提戈弄印兩難知等是貂蟬勝國遺弓冶門才翻一笑世南  
男與護兒兒

詞臣奏技八風平綸翟南郊禮竟成信有周官能誤世罪魁  
不合說舒荆

望春樓下酒渠開侈袖鮮禱夾道來繪出江都舊花樣轉憐  
桑孔太無才

被褐無功答聖明袖中章疏肯求名寧知慧黠長源子一夜  
書成誦亦成

宏獎風流屬敬之文章交道兩堪師濮陽旅瘞無人識只說

江東有項斯

瞪目登牀氣太雄，忤懷何必定嚴公。  
人間蜀道無難易，權在書生寸管中。

黠黑權門慘禍生，恩讐臧獲較分明。  
玉釵未上閨人髻，已見青衣奉酒罍。

浮屠一贊到鈞樞，冰玉當時器識殊。  
莫怪婦翁開口遠，爲伊遞進嶺南圖。

一吏江南鼎望新，路旁多少去年人。  
當時大有知幾語，可恨疲驢竟踏陳。

神策兵威甚楚氛，左劉右呂太紛紛。  
如何喋血吳恩畔，持節無人代北軍。

腐椽支厦豈云材，流汗將軍亦可哀。  
猶是含元舊欄檻，春風

惆悵牡丹開

吳楓秋冷碎明霞片語驚人枉自誇寄語名流謹韜晦江波  
一擲去無涯

盾鼻磨成語不煩傳聞鳴綠已留屯儒生慣喜談邊事合遣  
修書老北門

非關北海峻門墻薄行文人狃故常橫絕司勳黃鶴手敗名  
只爲嫁王昌

袖裏阿房早見稱瘴鄉猿鳥淚填膺柳州骨化揚州老遺恨  
千秋負武陵

鬢髮居然對紫宸春藤早藕亦通神世間草木難驅使未必  
終南不笑人

跛屣登堂笑語麤紫衣郎吏立還趨馬墜玉磬工修怨及見

宣陽唱選無

外宅諸郎徧孔壬商山遁後昨非今卿家胡子知安在莫怪  
門生喜負心

強幹何期太弱枝六州鎔鐵悔應遲英雄末路真蕭颯偷剩  
江東數首詩

河北都頭識若何俠腸空倚僞荆軻可憐澤潞如雲士不及  
邯鄲一嬖娥

雪花如席點蒼陰洱水盟書萬古沈小部龜茲今歇絕笛聲  
猶感異牟尋

豈有龍蛇玉檢傳羽衣一曲傲鈞天若教跨鵠終飛去免妬  
緱山橫得仙

述祖德詩

并序



先大父謝谷公乾隆十年乙丑六月自刑部郎出守大理明年丙寅八月卒於官莅任不一年而善政咸舉於時先大父年力方富先考兄弟四人皆不聽隨侍凡政事梗概列諸行狀以傳者多出於帷幕中二三先生所記述如絕餉米私糶之弊罷稅口游徼之設捐置書院膏火謝却錢局月規一出於民所利便而不暇爲身圖當未歿前半月數夢輿蓋導從陟高山若大官署然僉云迎新太守有紅袍人候於門心惡之不欲入而寤及疾革召諸幕友而言曰帝命有加其期在十七日或十九日二十五日不敢違也衆以語瞽亂未之信越二日雲南令王君曰仁來問疾狀出太早見紅燈數十騶從塞衢道云迎新太守一如先大父所夢見者由是榆之民皆異之而先大父卽以是夕子刻不復矣蓋八月十九日也

後七年先叔祖謙谷公諱筠赴永北守道出大理未至郡郡有廟巫某夢先大父衣冠如平時蹴起之曰吾弟旦且至速往候醒而異之姑往焉而先叔祖至候館矣由是榆之民皆知先大父爲郡城隍神嗚呼生而勤民歿而守土若潮陽羅池者古有之不可誕也初先大父以郡志舊版殘缺失次且自康熙甲戌以後歷五六十一年莫爲之纂輯乃捐資完補朽敗行將請諸大府爲續修計會疾作而罷比乾隆五十三年戊申如洋視學來榆檢舊志始知自丙寅迄今又四十年而向之未修者如故惟卷首增教授郭君僖序一篇郭蓋嘗董刊補之役故頗能述先大父下車以來興利除弊諸實舉及斯志不果完輯之繇今則郭且陳死不可考而其他遺黎故老亦湮沈零落聲問罔存矣永北教授王君尊士太和人曩

爲諸生時逮與先大父接謂歿後寄櫬僧舍舍卽其家所建

也以故爲

如洋

道舊事較詳徵諸行狀及郭序悉合

如洋

不

肖懼先澤之微也退而賦述祖德詩本謝靈運體成五言三十韻以遺榆人他日者有賢太守焉將以甄採治績發揚潛幽其或取斯詩備聞知之一得乎其詞曰

峩峩點蒼山渺渺霄漢際高寒積冰雪峻極迴無儼先公出守來介節慎砥礪山靈鑒之誠皎日作之誓軍民胥輯柔夷漢互調劑槩量吏失欺平反獄無滯羸餘卻鑄息游邏減商稅水交僚誼敦雨化土風勵天心報以豐父老望如歲

所屬雲南

縣境有高地數十里非大雨時行不得種植荒棄垂二十年

丙寅夏乃甘霖而獲禾苗告成邑之老農謂所罕覩公手作

家書自行當廣仁讓詎止起凋敝聰明格神聽玉棺溘奄逝

借吏殷同心假年沮請帝緬維騎箕靈精爽必百世餘芒或

下射守土式勿替大之禦水旱小亦驅疫厲身前不屯膏身  
後且宏濟於言非無稽在古有成例頗聞屬續初間并徧垂  
涕隱麟過與馬仿佛觀羽衛豈無束芻哭尋且刳牢祭卅年  
人事更遺老半幽竈孫謀感翼詒宦跡偶續繼山容如舊青  
雪色莽陰翳神來定何方惚恍警夢寢庶或歆飫馨蕉黃丹  
者荔叢殘理舊志編葺想次第增修惜未遂餘恨一抔瘞此  
邦文獻存後起責非細清芬謹誦揚撫拾逮憶記他時補循  
績稽首拜嘉惠

寒疾初愈發大理之楚雄途次雜述

霽色層城曉惺然病眼舒未花優鉢樹新饌感通魚

感通魚出大理

城外威通寺

海鳥風先避山田水旣瀦布帆烟汊出吾意欲凌虛

再宿還三宿紅崖又白崖銅綱晨發店牲販午充街堠卒稀

於鷺輿丁鈍亦蛙洞天春幾曲小極負芒屨

過清華洞不入

馬上逢邊將交南昨罷兵

聖謨規遠大國體寓寬平芻糗停飛輓薪蒲免踐更寄聲蓑笠伴一力事春耕

日暝蜎翯喜路長嬌姪繁梨香如坼甕蘭健欲無盆生意何深淺詩情與吐吞法源觴詠地應返海棠魂

題屠笏巖刺史鶚亭詩話後兼柬程抑谷明府

謫仙身墮古哀牢痛飲終年不讀騷炊劍語危山鬼哭然犀地慘稷狐嗥長沙可但宜宣室柯古端應廢諾臯底藉猪肝供累日屠門小嚼興先豪

一錢不值氣吞虹牛脰何煩響應宮徑有羊求無日間舟如李郭舊求同大槐典郡真猶幻修竹彈奸罪亦功歎息光陰

付雕篆天涯都是可憐蟲

寄懷朱飽雨司馬開化疊前韻

筦鑰邊城甚虎牢短衣匹馬鬢蕭騷禽曲木催高舉病獸

環岡剩怒嗥豈料生還隨定遠

謂提軍馬公

猶聞飛檄用枚臯他

時仗劍歸鄉里名姓朱家儘自豪

卮影連宵月射虹生涯一畝話儒宮隍中覆鹿蹤都幻涇上  
騎牛志或同亦有吹噓工借力那因焦爛乞論功離顏半載  
應如腊苦盼油缸綴玉蟲

笏巖復作感事言懷二律見貽卽次其韻

天孫連夕倍抽梭塗抹頻來窘阿婆慶語直疑通佩褰詛文  
不碍效亞駝悠悠薄宦雞殘肋擾擾羣兒蟻結窠贏得清腴  
詩味在米家甘露欲稱哥

酒滿壺盧且勸提由來勺水掣鯨鯢霸才失地憐遭醢太上  
忘情耻慕醢已分拖腸從號鼠何妨禿角也稱犀夷維志念  
拚相笑片語闕門學御妻

次笏巖不寐偶成韻兼示抑谷

春蠶葉底競吾伊喧似萊兵會祝其顧我筐箱誰遣此有人  
筦簞未安斯雄談俗子驚亡是積習酸丁戀學而何日懺除  
文字障珠林美蔭借思惟

天下中庸厭說胡仙乎黃鵠兩于于能令公喜奚爲者請聽  
臣歌或可夫雨出無妨嘲御叔塵揚只合問麻姑官廚不易  
逢寒食且住萍蹤一笑俱

兩君將以清  
明日召飲

笏巖抑谷復聯句見貽依韻答謝

脈望吞難化於菟搏未降城堅梯欲碎劒利斗能撞力瘁三

分鼎憂深九載澤勉拙園客繭來報楚臣  
茫不殖從譏閔無生早悟麗凡姿非鶚  
一仙骨自鳬雙漢畧騫通道蠻風躋啓  
邦搜羅慚鐵網勘校費銀釭敢速蒲盧  
效期培植樸椿燕詞先汰礫進步慎緣  
橦頗擬茁莢莠還教服毀庀形骸幾類  
木信誓有如江妙侶田生珏靈機增涌  
幢蜂衙初罷鬪鼉徑喜聞跬跡感商都  
鷁談驚粵嶺龙羅胷星錯落漱齒玉琤  
快意琳馳檄何心朔覲窓坐聽蓮漏促  
歸喚筇輿扛文戰新收壘詞源暫息瀧  
簪裾容散誕竹肉謝淫哇承訂翼日雅集  
席寧辭蟻滿缸軍容閒虎韞開治具色都督驛中  
庖味想羊腔榆莢羹香店桃花水没缸  
天涯佳節又飛夢五湖艤

連夕在郡城與笏巖會飲抵廣通復至縣齋劇談翌  
日笏巖送予至捨資以七言見投次韻誌別



半月吟懷蘭比臭千門節物柳垂梢癢痕乍喜醫逢扁窾卻

終慚技進庖預展郇厨修雅褻新開越酒勝芳肴白駒在谷

重縈夢蒼鶻登場許獻嘲笑指朋蹤聯璧峽謂抑谷醉論鄉思

入荻菱鄭淫豈必風刪芍楚罪何須貢責茅二句皆紀實蠟晃輕

颺頻灑灑雞催殘漏已膠膠衣裾連夕香分座馬勒明朝翠

踏郊未遺萍紋中路散還携筍束短亭鈔時余鈔蠟蝕雜記米竟滿城

花氣庭窺鶴四壁珠光室聚鯨縣齋四壁糊詩幅幾滿有子如筠浮竹

箭微官與芥托杯坳民思召伯毋穿鼠士慕澹臺不避蛟怪

變睽車行續志飛揚漸陸罷占爻能全世少堅牢玉寡用吾

猶瀟落匏叶李欲疲傾聽耳時李生鍾壁在座媮嵇忘轉劇談胞偶

然老馬同尋路隨處鳴鳩得借巢古韻尖叉求偏仄虛名蠻

觸話紛呶薦章海內誰憐禍關節人間肯到包甚惜輶轅從

此判無妨筐篋暫時拋五華叢桂秋期近盼爾荒苔屐印交  
再過燕子洞

契濶靈山乍兩年重來仍是綌衣天抽身皂莢黃塵外到眼  
琪花碧草前終古濤聲常作雨經春苔印又如錢使君不識  
忙閒事偷伴孤雲一夕眠

游禹門寺

有序

寺在彌勒縣治東北五里許林壑幽邃瀑布尤勝已酉五月  
按試瀘西偕縣令長白關君紆道過之霖雨初霽瀑聲聞半  
里外抵寺坐大士閣僧密中出觀解上手書詩偈數種解  
蓋康熙間人筆墨有古意寺門榜懸明沐平西侯禁約一通  
體製與今文牒小異亦三百年來物也

名藍自愛如修儒標榜不肯臨通衢連宵驟雨翻瀑布豈意

南洲集卷二十一  
真瀑藏山隅賢侯好邀竹籃輦開土迓客菩提珠勿煩官奴  
挈茶具小閣到頂方於壺

解公茶毗不知歲遺筆蛟蛇走精銳往來文士八關齋解脫  
金剛四句偈法宗漸遠蟹不如稻芒秋收有餘惠軍府威靈  
想護持英雄信具成佛慧

次答 皇六子質郡王見寄原韻

久疎高齋游舊學不殖落驚胎逐塵鞿有步蹇難作得閒癢  
偶爬聊且勝菰博遙遙神洲山天際渺崖嶠云何珠玉歎忽  
墮貧土橐圍爐想溫室過午寂鈴索臨川爲善暇外慕棄如  
屨窻晴試松煤几淨鋪竹膜肯效吹笙人游行但伊洛微材  
愧輪囷十載荷斤削譬之枯槎浮彼岸與牽絳鼎沾淮南雞  
箱飼楊寶雀感茲飲食誠况乃文字樂邇迴一萬里耿耿寸

心託苦吟未終篇帶孔瘦移約安得北斗依天漿任斟酌

自警八首

古人重謀道匪謂祿在中忍飢誦金石意如忘塞通爲貧或  
擇仕裁取半菽充今人鹵莽耕動咎年不豐乞靈偶社鬼矯  
欲貪天功癩瘳色猶黃階蠟淚已紅彼蒼斲天祿升斗皆自  
公物生亦數限此溢彼見窮問渠那辨此其說不可終吁嗟  
十斛麥誤盡田舍翁

僕夫御車行振策期無前前車步蠹蠹驢瘦不可鞭後車捷  
足駛突過風雷顛當其向空濶衆蹇排聯翩茫然拖腸死快  
矣舐鼎仙崇崖忽梯豎深谷或阱穿奔踉猝難控一蹶成禍  
先從容後來車睨視心惻焉徐行去絡繹瞬息青雲邊中路  
我何爲竟等溝壑填奮迅雖及時摧藏已可憐欲速轉不達

旨哉柔道牽

被怨如被創受恩如受瘡創苦治卽平瘡熱止仍作驚炙殺  
告饒檳榔穆遭謔當時脫微惠身比繭絲縛丈夫困泥塗一  
飯良不惡因依分難免報稱宜自度

交從貧賤始富貴乃益見交從富貴來貧賤乃自變一人順  
風呼百士走自薦背毛雞六翮定識不宜眩吾無國士知彼  
豈故人戀譬如擇壻車王謝隨所選婚媾或致寇中途棄秋  
扇堂堂廷尉門冷煖歟如電毋爲責人明流品盍詳練

和氣能致祥殺機乃毗陰旣乖醇儒量兼失上帝心庭堅詰  
奸宄英蓼先覆沈布黥始得王餘孽猶相尋亮哉高伯恭片  
語凜石鍼鉞顯可避口舌傷更深懷中義府刀奈何藏至  
今

劉松作碑銘思道橋舌走歸知讀書益感激向師友無何削  
橐成松亦呿其口異書難盡見道在虛以受少年獵浮華枵  
腹不知醜龍神見何方蟹跪能作歐尋常事非僻十已窘八  
九莫笑張狗兒太傳問誰某

中山李元凱自秘殮玉方藍田廣羅致環璧椎丁當外嗜罔  
知節末路終湏荒妄云蓋棺後體色當如常視息且難保朽  
骨何由芳盛姬傷穆滿哀蟬感武皇青鳥殊未來空舉瑤池  
觴

大廈需棟梁吾材苦拳曲天閑進騏驥吾步多局足鵜梁曷  
以免其道在止足卓哉蕭方等貴胄樹遐躅壺簞足怡形魚  
鳥脫轡束蓬蒿居不厭妙論可砭俗豈無漢廷疏末路辭殆  
辱賜金宴賓朋祖帳動觀矚生平罕建豎終愧太倉粟胡不

早避賢搖搖待風燭

春草亭題壁

亭在馬龍州署

池塘三畝徑全蕪池面雕欄半朽株想得黃紬酣睡起一番敲扑一歌呼

戒石經春上綠苔長官蹤跡類謠臺倉敖雀鼠渾無賴飽喫冬青墜實來

古意

翩翩洛陽女生長本良家問年十五餘妖姿艷晨葩幽光不自匿綺障紛交加東鄰輕薄郎宛轉相要遮感郎千金意一睇迴波斜心非金石堅美玉幾不瑕歸來對粧鏡黯然生嘆嗟羅敷自無夫使君何與耶可憐歲寒節委棄同朝華杜門誓今始鉛粉辭抹塗門前衛叔寶爲我迴羊車

浩浩南溟魚隨波鼓鬣鬣朝游渤澥濱暮宿混茫接意將縱  
所如口腹願難愜蝦蛭不足吞饒及婢與妾緡綸者誰子伺  
物巧於謀牯肥懸作餌誘汝成一啖世無純直鈎袪遂中顛  
頰琴高控鯉來憫此態疲茶吸噓雲氣蒸聊以蔽羣曉攸然  
脫纏縛去若繭飛蜨歸來大壑底寸膽餘悸懾伊古殉財夫  
施者蓋有挾潛淵誓今始遇毒戒噬嗑海上任公子罷漁請  
從獵

後卽事五首疊前韻仍用後村體

客思匆匆燕入秋此間原不是菟裘重陽又到菊邊醉三宿  
漫同桑下留差異梁鴻須賃廡未妨王粲好登樓軒車幾輩  
于于者起滅俄看迅若漚

儒術謀生本不長裳衣頗覺倒顛忙客來袖有三年刺僕告



瓶無七日糧蔓草侵花生意盡蟬魚守篋課程荒消磨祇賴金經力萱砌延齡祝篆香

潤身何必慕脂膏鹿逐蠅營事亦勞豈有爨琴迷識鑒最難杯酒定賢豪鄭僑以外虛投縞范叔于今少贈袍試問殘杯兼冷炙何如衣振萬峯高

狂蹤落拓記京華警我西山日易斜空裏畫形寧類餅苦中尋味得如茶情農莫便希登稼貧女無煩厭浣紗呼馬呼牛終自若况論麋鹿與魚蝦

雁雁雲頭字跡迷長安真與日邊齊痴兒惜事憐黃犢死友傷心識白雞

時秋門新  
歿京寓

指枕偶然魂趁蝶乘車大抵穴尋鼷

何時退築家林好倪米迂顛一任題

聞代後寄蓉塘前輩貴陽卽送北行

兩地三年擊柝聞羅浮蹤跡合還分頗因後進常憐我每讀  
新篇倍憶君鴻爪印來寧著雪馬蹄歸去又生雲冰銜共喜  
冰心在拜手無煩更沐薰

文似揚雲賦馬卿紙堆檢校見平生鑑湖豈必無緣乞鳳閣  
分明有樣成倡出宗風邊俗改遣還家累客裝輕麻陽一艇  
川程駛先我花磚試履聲

身非砥柱敢迴瀾過眼花如走馬看冠帶狃獐憐舊習雨雲  
翻覆畏旁觀匠門柄鑿爪離易藥籠參苓揀汰難徼幸拂衣  
無箇事預煩京邸報平安

爲賀白儕廉使題其尊人章溪先生蘭竹畫冊

我聞鏡湖道士返初服醉草八分不滿幅又聞江南詞客工  
斷腸解道雨中梅子黃眼花落并故狂態綺語花間亦障礙

別有高人夷惠間十分清氣乾坤配家居湘水竹萬竿碧雲  
日暮翠袖寒香魂迢遞望沅澧騷情逸思來無端翰墨神交  
彌雋旨無妨草木供驅使枝葉何嘗誇放誕莖株自信非凡  
鄙庭前有子真國香烟霄解籀鸞鳳翔壯齡分符莅南荒臨  
行尺幅教弄藏蘭以盟清心竹以培勁節卅年雨露兼霜雪  
護養靈根冰玉潔凝香燕寢談霏屑坐客傳觀爭叫絕爲言  
先人畫法無常師茂林空谷隨所之尤精墨色益飛動淺深  
向背一一羅紋披交枝密葉互凌亂不使濃粧却掩蛾眉姿  
是何胸中秩涇渭旋幹倘非人力爲嗟予品畫不知畫但整  
衣冠學顛拜君今對畫凜官箴譬如父書手澤堪紬尋他時  
摹刻補家乘一花半葉皆璆琳千秋絕藝同賞音何必賀老  
琵琶賀若琴

題陳雲巖太守櫪戶讀書圖

沮倉作法鬼夜啼一母孳萬紛支離縷裝紙裏拓成部字字  
洩盡陰陽奇人言讀書有真樂上下千古無常師我謂耽書  
直風漢煮字不療季女飢力田逢年太恍惚故紙幾負蠅鑽  
痴朝聞歌聲出金石暮見文繡加騁犧桓榮稽古旦暮遇明  
廷好爵空爾縻平津牧豕甚况瘁曲學終受蘭臺訾安昌胸  
次熟論語經術第取售奸私讀書如此仕何益不若穀氏亡  
羊嬉陳侯讀書不急仕仕猶能讀非違時早年三輔騁雄駿  
壯歲六詔開旌麾中更內憂劇外患雙髻奕奕千銀絲籌邊  
議政氣益壯往往談笑驅熊羆我役蠻方蓋三載得侯恨晚  
來恨遲與侯周旋重歎息無日不將書自隨此圖寫貌具梗  
槩附會那類虛名欺出門者今櫪戶昔枕出隱約含餘悲江

鄉未構著書屋宦橐不辦藏書貲故山松竹待人久客胡爲  
者天一涯吾家裘杼先高祖藏書樓名飽蟬蠹歸夢雜沓春雲馳安  
得遺編檢舊篋共侯賞析奇與疑武原百里泝長水日日還  
借煩雙瓶

出滇南境四首

宦海閒鷗一夕飛回看金碧氣零霏棄殘雞肋餘情淡吹到  
鴻毛末力微入耳箏琶都草草無言桃李剩依依莫嫌土物  
稀持贈也載蒼山片石歸歸裝有大理石屏五

心慚末介敢姚通閱世從教擬贖聾知我豈真無鮑叔容人  
未易學龔公豬肝下飭猶微累鸞眼看囊亦屢空珍重雙丸  
輝屋角衾裯休逐小星東

仿佛來時舊板橋新歡故侶不全凋吏忘酒濁擎杯勸僕訝

裝輕併擔挑信有名卿能置驛

謂方臣制府

卽看使者又乘輅

時有

兵刑二曹使者踵至

十行詔下蠻陬遍免賦

恩深勝免徭

明年普蜀直省

萬壽恩詔有錢糧一條

三日晴慳里謠真三番時玉糝輕塵

臘前凡三得雪

年光旅况驚辭

歲政績賢侯重打春

霑益收南寧令皆以迎春不出

山色好將青送客湖波

此去綠生鱗計程岱畎瞻

雲近典紀虞書二月巡

保冲書屋集卷一